



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

Numri i lëndës: 2023:145841

Datë: 25.10.2023

Numri i dokumentit: 04827939

NE EMËR TË POPULLIT

P.nr.521/2023

GJYKATA THEMELORE PEJË, Departamenti i Përgjithshëm, gjyqtari i vetëm gjykues Leon Përlaska me procesmbajtëse Shpresa Kërnje në çështjen penale kundër të pandehurit Q. V. nga Peja, i akuzuar sipas aktakuzës së Prokurorisë Themelore në Pejë- Departamenti i Përgjithshëm PP/II.nr.1029/2023 të datës 03.07.2023, për shkak të veprës penale Lëndim i lehtë trupor nga neni 185 par.1 nën par.1.4 të KPRK-së, në seancën publike të shqyrtimit fillestar të mbajtur me datë 24.10.2023, në prezencë të prokurorit së shtetit Dorjan Juniku dhe të pandehurit, të njëjtën datë mori, publikisht shpalli dhe përpiloi këtë:

AKTGJYKIM

I pandehuri:

Q. V., i lindur me dt., në Pejë, ku dhe jeton Rr. "G." pa nr. ku edhe tani jeton, nga i ati Xh., dhe ëma V., e gjinisë H., i pa martuar, babë i një fëmije, i pa shkolluar, punëtor, i gjendjes së dobët ekonomike, me nr. personal, Egjiptian, shtetas i Republikës së Kosovës.

SHPALLËT FAJTOR

Për shkak se :

Me dt. 22.05.2023, rreth orës 01:20 minuta, Pejë Rr."B. Q." saktësisht tek Restorant "C. i shkakton lëndime të lehta trupore, të cilat rezultojnë me dëmtim të përkohshëm të shëndetit, personit tjetër këtu të dëmtuarës A. M. me të cilën paraprakisht i pandehuri kishte bashkëjetuar , në atë mënyre që e dëmtuara deri sa ishte duke qëndruar se bashku me nenën e saj, i pandehuri kishte kërkuar ta merrte me vete në shtëpinë e tij pasi e njëjta kishte refuzuar i revoltuar fillimisht sulmon duke kapur për krahu, më pas pasi e rrezon në tokë e terhjek zvarrë deri jashtë lokalit,

me ç 'rast i shkakton lëndime të lehta trupore lëndime të konstatuara dhe përshkruara hollësisht në ekspertizën mjeko-ligjore të ekspertit mjeko-ligjor të Dr.F. B. të dt.13.06.2023.

- Me këtë ka kryer veprën penale lëndim i lehtë trupor, nga neni 185, paragrafi.1, nënparag, 1.4 të KPRK-së

Prandaj në kuptim të nenit 364 të Kodit të Procedurës Penale të Republikës së Kosovës dhe nenit 38, 39, 40, 42, 46, 48, 49,69 dhe 70 të Kodit Penal të Republikës së Kosovës (06/L-074):

GJYKON

Të pandehurit Q. V. i shqipton:

- DËNIM ME BURGIM ne kohëzgjatje prej 1 (një) viti, i cili dënim nuk do të ekzekutohet nëse i dënuari nuk do të kryej vepër tjetër penale brenda periudhës verifikuese prej 2 (vitesh) vitesh, qe do të llogaritet nga data e plotfuqishmërisë së këtij aktgjykimi.
- Obligohet i dënuari qe në emër të paushallit gjyqësor të paguaj shumën prej 20 euro dhe në emër të fondit për kompensimin e viktimave të krimit të paguaj shumën prej 20 euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcënimin e përmbarrimit me detyrim.
- Kërkesë pasurore juridike nuk pati.

ARSYETIM

- Historiku i çështjes dhe vendimi ne lidhje me fajësinë;

Prokuroria Themelore në Pejë-Departamenti i Përgjithshëm me datë 03.07.2023, pranë kësaj gjykate ka ngritur aktakuzën PP/II.nr.1029/2023 kundër të pandehurit Q. V.a për shkak të veprës penale Lëndim i lehtë trupor nga neni 185 par.1 nën par.1.4 të KPRK-së.

Kjo gjykatë me datë 24.10.2023, e mbajti seancën e shqyrtimit fillestar në të cilën prezantuan prokurori i shtetit Dorjan Juniku dhe i pandehuri, në të cilën seancë i pandehuri u deklarua se e pranon fajësinë për veprën penale që i vihet në barrë.

Pas marrjes së mendimit të prokurorit të shtetit dhe në kuptim të nenit 242 par.2 dhe 6 të KPPRK-së gjykata vendosi që të aprovoj pranimin e fajësisë të bërë nga i pandehuri, pasi që është e qartë se i pandehuri e kupton natyrën dhe pasojat e pranimin të fajit, pranimi i fajësisë bëhet vullnetarisht nga i pandehuri, pranimi mbështetet në faktet e çështjes që përmban aktakuza dhe provat e pranueshme që e mbështesin aktakuzën dhe se aktakuza nuk përmban shkelje të qarta ligjore ose gabime faktike.

Në lidhje me llojin dhe lartësinë e dënimit prokurori i shtetit deklaroi "Duke marr parasysh se i pandehuri Q. V., e pranoj fajësinë konform kushteve ligjore të parapara me nenin 242 të KPPRK-së, dhe në përputhje të plotë me të gjitha provat materiale dhe personale në të cilat mbështet kjo aktakuzë, nga gjykata kërkoj që i njejtë të shpallet fajtor, ta dënoj sipas ligjit si dhe ti obligoj në paguarjen e shpenzimeve të procedurës penale, ndërsa me rastin e përcaktimit të llojit dhe lartësisë së dënimit pranimin e fajësisë ta vlerësoj si rrethanë lehtësuese.

Pas aprovimit të pranimin të fajësisë nga ana e gjykatës i pandehuri deklaroi " Më vjen keq që ka ndodhë ky rast, unë veç kam dashtë me e qu në shpi e nuk kam pas qëllim me e lëndu, unë tash ma nuk kam lidhje me atë vajzë, jemi ndarë ajo është në rrugë të vetë e unë në rrugë teme."

- Vendimi lidhur me dënimin;

Gjykata kur vendosi të shqiptoj dënimin si në dispozitiv të këtij aktgjykimi u bazua në dispozitat 38, 39, 40, 42, 46, 48, 49,69 dhe 70 të Kodit Penal të Republikës së Kosovës (06/L-074) dhe atë duke vlerësuar rrethanat lehtësues dhe renduese të çështjes.

Për veprën penale për të cilën është shpallur fajtor i pandehuri ligjvënësi ka paraparë mundësin e shqiptimit të dënimit me burgim prej gjashtë (6) muaj deri në tre (3) vjet, e në këtë rast gjykata ndaj të pandehurit vendosi që të shqiptoj dënim me burgim në kohëzgjatje prej një (1) viti, i cili dënim nuk do të ekzekutohen nëse i dënuari nuk do të kryej vepër tjetër penale brenda periudhës verifikuese prej 2 (dy) vitesh, që do të llogaritet nga data e plotfuqishmërisë së këtij aktgjykimi.

Duke i analizuar faktet e çështjes, gjykata erdhi në përfundim se në lidhje me të si rrethane renduese duhet të merret fakti se vepra penale është kryer brenda marrëdhënies familjare, ndërsa si rrethana lehtësuese gjykata e gjeti pranimin e fajësisë të bërë nga të pandehuri në seancën e shqyrtimit fillestar dhe keqardhjen e shfaqur nga i pandehuri me rastin e pranimin të fajësisë, ku

duke u nisur nga këto rrethana, nga fakti se rrethanat lehtësuese mbi peshojnë ato renduese dhe në kuptim të nenit 38 dhe 42 të KPRK-së gjykata vendosi që ndaj të pandehurit të shqiptoj dënimin si në dispozitiv të këtij aktgjykimi.

Kur u vendos për kushtëzimin ekzekutimit të dënimit me burgim gjykata u bazua në nenin 46, 48 par.1 dhe 2 dhe 49 par.1 dhe 3 të KPRK-së.

Gjykata vlerësoj se me shqiptimin e dënimit më kusht ndaj të pandehurit do të arrihet të realizohet në tersi qëllimi i dënimit, pasi që ky dënim do të ndikoj në rehabilitimin e të pandehurit, në parandalimin e personave të tjerë nga kryerja e veprave penale dhe në mënyrë të arsyeshme shpreh gjykimin shoqëror për veprimet e kryerësit, e gjithashtu do ti jap mundësi palëvë0-këtu bashkëshortëve që të vazhdojnë jetën së bashku, duke marrë parasysh se të njëjtit tashmë janë pajtuar dhe nuk kanë probleme të tjera. Tërheqja e vërejtjes të pandehurit se nëse në periudhën verifikuese prej dy (2) vitesh do të kryej vepër tjetër penale ndaj tij do ekzekutohet dënimi me burgim si në dispozitiv të aktgjykimit, është një paralajmërim serioz që të parandalojë të pandehurin në kryerjen e veprave penale në të ardhmen.

Gjykata e shqiptoj dënimin më kusht në përputhje me nenin 49 par.1 të KPRK-së ku thuhet “Dënimi me kusht mund t’i shqiptohet kryesit të veprës penale për të cilën me ligj është paraparë dënimi me burgim deri në pesë (5) vjet”, e në këtë rast siç u përshkrua më lartë për veprën penale që është shpallur fajtor i pandehuri është paraparë mundësia e shqiptimit të dënimit me burgim deri në tre (3) vite.

Gjykata është bindur se dënimi i shqiptuar të pandehurit është në përputhshmëri të plotë me qëllimin e dënimit të përcaktuar në nenin 38 të KPRK-së dhe se ky dënim do të parandalojë kryesin nga kryerja e veprave penale në të ardhmen dhe të bëjë rehabilitimin e tij, do të parandalojë personat e tjerë nga kryerja e veprave penale të ngjashme dhe shpreh gjykimin shoqëror për veprën penale të kryer nga i pandehuri.

Vendimi mbi shpenzimet e procedurës penale për paushallin gjyqësor u mor në kuptim nën 450 par.1 dhe par.2 nën paragrafi 2.6 dhe nenin 453 par.1 të KPPK-së.

Vendimi lidhur me taksën për kompensimin e viktimave të krimit, u mor në bazë të nenit 36 par.3 pika 1 të Ligjit 08/L-109, për kompensimin e viktimave të krimit.

Andaj, duke u mbështetur në fakte e parashtruara dhe dispozitat ligjorë nga neni 365 dhe 370 të KPPRK-së u vendos si në dispozitiv të këtij aktgjykimi.

GJYKATA THEMELORE PEJË
Departamenti i Përgjithshëm-Divizioni Penal
P.nr.521/2023, me datë 24.10.2023

Procesmbajtësja:
Shpresa Kërnje

Gjyqtari i vetëm gjykues:
Leon Përlaska

KËSHILLË JURIDIKE:

Kundër këtij aktgjykimi pala e pakënaqur ka të drejtë ankese në afat prej 30 ditësh nga pranimi i të njëjtit, ankesa paraqitet në këtë gjykatë për Gjykatën e Apelit në Prishtinë.